

H V D L

1 5 8 9

D. g. 130

Geog.
~~V. 3~~ 238
4^{1/2}

Abdruck

L

6

Zweier nidergeworf-
fener Schreiben/daraus zuersehen/
mit was geschwinden Practicken die Papis-
ten inn Franckreich vmbgangen / wider die
Herrn vom Adel/vnd andere so sich der
Reformation der Religion in
Franckreich ges-
brauchen.



ANNO

I 5 6 8.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.



Handwritten text, likely bleed-through from the reverse side of the page.

Handwritten text, likely bleed-through from the reverse side of the page.



Copia eines Schreibens aus Madril
in Spagna an die alte Königin in Franckreich
gesand/ im Julio dieses 68. Jars/dessen Original
der Herr Prinz von Condac bey sich vnnnd
in seinen handen hat.

S Verhlauchtigste ꝛ. Allergnedigste Fraw/
Es haben Ewer May. sonder zweiffel aus meis
nem nehren schreiben/da dato 25. des jüngst
vorschienen Monats vernommen / die vrsach meine s
langwirigen verharrens alhir /Witlerzeit wirdt ich fast
alle tag zu meiner Allergnedigsten Frawen der Königin
alhier beruffen / dieselbige gemeiniglich mit mir von den
jzo schwebenden leufften vnd tumulten in Franckreich/
Auch den Herrn so jziger zeit am Hoff vnd bey E. Mt.
sich verhalten/zu reden pflegt/Daraus leichtlich die gros
se lieb vnd affection / damit sie gegen E. M. Personen
vnd dieses Königreichs ruhe vnd wolfart geneigt / zuers
achten ist/Wie dan den 19. dis/als ich jre Mt.abermaln
besucht/vnd von allerley sachen zu rede komen / sie gegen
mir nachfolgende wort austrücklich vermelt/Sie könnte
keines wegs glauben/das dem König jrem Bruder / vnd
E. Mt. möglich sein wird/den anschlag so sie jnen fürgez
nomen vnd jre Mayt. durch mich vorstendiget hetten/
zu einem guten ende zubringen / Dieweil jr zuorn off
termals dergleichen entboten/ aber nie nichts fruchtbars
ausgericht worden/ vnd das sie sich sehr besorgte / Ewer
May. würden sich durch etliche/so am Hoff vnd teglich
ymb sie sein / stillen / vnnnd so lang auffhalten lassen/bis
die Feind gelegenheit bekommen würden/ein neues ferner
vnd unglück/nicht allein wider die Stend / vnd Autoris
tet des Königs/Sondern auch wider E. Mayt. eigene
A ij Personen

Personen zuerwecken/derhalben sie dann nun wenig bes
kümert were/ Vnd dieweil sie mir mit grösserer affection/
dann vor jemals geschehen/vnd one zweiffel/ wie ich kan
erachten/aus des Königes ires Herren/ so newlich wider
ankomen/beuelch zuersehen geben/ hab ich nicht vnters
lassen wollen/E. Mayt. solches hiemit zuvorstendigen/
Was aber irer Mayt.vnd des Königs gesundheit / auch
desselben widerkunfft/sampt des Jungen Herren Prinz
ken/tödlichen abgang in seiner gefengnis / vnd andere
dergleichen zeitungen belangt / hab ich darvon zu schrei
ben vnterlassen/dieweil es nicht meines Ampts/sondern
dem Ambasoiador/durch welchen E. Mayt. von aller
ley sachen/ nach lengst bericht werden / zuthun gebürt/
Vnd thue mich hiermit E. Mayt. beuehlen / mit vnder
thenigster bit/mich derselben gehorsambsten vnd getrew
sten diener sein vnd bleiben zulassen/ Datum Madril in
Spagna den: Julij Anno 1568.

Ewer Mayt. vnderthenigster
vnd gehorsambster Bragnagne,



Copia

Copia eines andern Brieffs von
Madril bey Paris/an den Cardinal Gresqui in
Picardien/von seinem Diener einem geschrie-
ben/dessen Original der Herr Prinz von
Conde/auch zu seinen handen be-
kommen hat.

Enediger Herr / wie ich Ewern G. den er-
sten dis hab zugeschrieben / also bin ich nach der
hoffnung/es sein die sachen/die mir E. G. zuvor-
richten befohlen/von mir recht angebracht worden / vnd
sol der fürnembst punct auff's lengst diese fünfftige woch-
en erlediget werden / Alsdann wil ich selbst Personlich
E. G. allen guten bericht/neben der Commission/die E.
G. begert haben/mitbringen / Ich hab aber die sachen so
fürderlich/als E. G. vermeint / nicht mögen verrichten/
dann ich fast 5. tag dem Hoff bin nachgezogen/ehe ich
die Königin mit fug anzusprechen / vnd irer Mayt. den
Inhalt meiner Instruction vnd werbung fürzutragen/
gelegenheit gehabt/vnd ist zum theil des Königes schwach-
heit daran hindernüs gewest / Zu dem so ist auch dieser
zeit der hoff an einem sehr vngelegenen ort / auch die ges-
schefft vnd hendel so heuffig / vnd komen teglich so mans-
cherley zeitung von allen orten/das die jenigen / die Pri-
uat sachen vnd sonderbare hendel sollicitiren / lang auff-
gehalten / vnnnd nicht balt abfertigung mögen erlangen/
Vnd kan E. G. nicht bergen/das one sondern fauor vnd
befürderüg/des Herrn/dem E. G. ein sondern zettel mit
eigener hand geschrieben/ ich noch bisher so gute vnnnd
zeitige antwort nicht het bekommen/ Derwegen E. G.
diese freundligkeit gegen jme zu bedanken werd wissen/
wie ich dann in meinem nechsten schreiben / auch gemele
A iij hab/

NOTA
Ist der Car
dinal von
Lorringen

hab/Als ich aber gestern ehegemelten Herrn umb mittag
essen besucht/ ob ich gelegenheit möchte finden / ihne E.
G. handlung halben anzureden/ hat er mich gleich / als
er wolt an die Taffel sitzen/ zu sich beruffen / vnd mir zu
uorn woln anzeigen/ was dem Marschalck de Cosse/ für
ein abfertigung vnnnd Commission geben worden sey/
damit ich E. G. dessen wüste zuberichten/ Vnd nemlich/
das beide der König vnd die Königin hette beuohlen/ den
fürnemsten Adels personen in Picardien/ die der newen
Religion anhengig weren (vnd vnter andern etlichen/
die er mir genent/ welche E. G. vnd derselben geschlecht/
abgünstig vnd feind seind/ vnd die E. G. auch selbst wol
kennen) zuuermelden/ das ihnen der König mit gnaden
geneigt/ vnd sie bey irer Religion schützen vnd handha
ben woll/ vnd ihnen zuuorstehen zugeben/ das der König
sie für seine getrewe vnd frome Vnderthonen halte/ vnd
das das/ so er ist fürhabe / allein geschehe / etliche stolze
uermütige vnd auffrührische / so inn Stetten wonen/ zu
straffen / darmit bestendiger Fried im Landt angericht/
vnd er die vom Adel/ was Religion auch dieselbigen sein/
(dieweil sein fürnembste macht/ auff in stehe) recht fa
uorisiren vnd herfür ziehen/ vnd sie in ruhe vnd einigkeit
bey den Edicten vnd gemachten ordnungen erhalten mö
ge/ So werden auch gleichs inhalts brieff an etliche / des
rer namen hieneben verzeichnet sindt / inn sonderheit ge
schickt vnd geschrieben/ Dieweil aber andere getrewe des
Königs Vnderthonen vnd gute Catholische/ da sie diese
Commission / auch der andern schreiben inhalt solten
vernemen / vnnnd nicht berichte würden/ wie die Sachen
gespielet/ sich leichtlich ergern/ vnd diese frembde sprach
en nicht verstehen würden/ vnd sonderlich weil ihnen bis
her wenig ergebung geschehen / für die getrewen dienst/
die sie in darsetzung ihres Leibs vnd bluts / dem König wis
der


der seine feind vnd abfelliger geleistet / möchten abwens-
dig werden / So hat er gedachter Herr mir ausdrücklich
befohlen / E. G. zuberichten / worauff diese Commission
vnd Instruction gerichtet / vnd was des Königs vnd
Königin / vorhaben vnd intention sey / damit E. G. als
lein den jenigen / den es zuuortrawen / vnd die die sachs-
en vorstehn / wenn es die notturfft würde erfordern / könnte
offenbarn vnd kunt thun / Vnd ist / das man an allen
orten gute fürscheidung thue / damit alle Kriegsmacht dem
König allein zugewandt würde / das man auch die fürs-
nehmsten heupter der widersacher / heimlich vnd vnuers-
sehens / möge vberfallen / vnd vberhaschen / vnd inen sich
zurotten / alle weg abschneiden / Vnd wann sie also ge-
schwecht (wie dann durch die Mittel / so vor der hand /
leichtlich kan geschehen) dieses schedliche vnzifer / welches **NB**
Gott / dem König vnd dem Königreich feind ist / ganz **vespere St**
vnd gar ausgerottet / vnd nicht einer / der mit dieser Ketz- **caliane.**
rey beschmeist / vberig bleibe / dann sich dieses vnkraut /
jederzeit wider würde besäumen / wo nicht der weg (dessen
vns vnser genachbarten / so ein herrlich Exempel fürgez-
wiesen vnd gezeigt haben) für die hand genommen würde /
vnd das auch mitler weil / bis dieses alles ins werck ge-
richtet / welches sich doch lenger nicht / dann bis ins fünff-
tig Monat verziehen soll / on alle ort dieses Königreichs
Potschafften solten abgefertigt werden / zu den fürnemb-
sten vom Adel / die doch die newe Religion mit so gar
grossen euer nicht meinen / damit sie mit guten worten
auffgehalten / vnd so viel möglich / gelindert werden
möchten / Wie man dann schon etliche befunden / die sich
hetten bereden lassen / vnd were noch hoffnung / es solten
andere mehr dergleichen thun / damit sie zum teil inn die
sprung gebracht würden / Also / das vngeweißelt mit
Gottes hülff bald die sachs gewonnen / vnd ohne grossen
widerstand

widerstandt der Sieg wider die Feind des Christlichen
glaubens erhalten werden solt 22. Vnd dis sind fast die
wort selbst / welche er gedachter Herr mit mir geredt/
Welche ich also mit fleis wollen behalten/ vnd E. G. zu
schreiben/damit sie rechten bericht haben / wie die sachen
in warheit sein beschaffen. Nach dem Mittag essen/als
ehzegemelter Herr inn sein Gemach gangen/ hat er mich
durch seinen Secretarij widerumb fordern lassen / vnd
mir angezeigt/es were das ergste in diesem ganzen han
del/das noch etliche zu hoff/die anderst nichts thun / dan
das sie allenthalben Niegel vnterschieben/die sachen inn
die leng auffzuziehen/vnd dieses gute vnd heilige werck/
welches schon vor langer zeit beschlossen / gleich als wes
ren noch viel beschwernissen dorbey/ zuuorhindern sich
vnderstunden/Da doch alle gute weg vnd mittel vor der
handt weren / ober welche er auch hefftig flaget/mit vor
melden/das er entlich entschlossen/mit dem König vnd
der Königin / die Sachen mehr dann er bisher gethan
hat/fort zutreiben/dann one dieser heimlichen axeltreger
vnd dissimulirer hinderniß/würde schon langst der rechz
te Gottesdienst in Frankreich wider auffgericht/die vns
derthonen zu gehorsam gebracht/vnd der König von als
ler vnruhe gelediget sein/Meldet doch dabey / das diesel
ben nu menniglich bekant vnd offenbar weren/auch sich
jederman irer handlung entschlüge / vnd das sie vorthin
nicht mehr die gelegenheit haben würden / wie sie meins
ten/dessen sie auch bald solten innen werden / Vnd ich
hab auch wol können mercken/das Ehrgedachten Herz
ren die rede/welche der König den tag zuuorn mit der als
ten Königin hat gehalten/ hart vertrossen hat / die doch
also mit fleis ist angericht gewesen / dann er fast flehende
vnd mit auffgehenden henden/sein fraw Mutter gebes
ten/sie wolle alle mittel ersuchen / damit die Sache nicht
widerumb

widerumb zu einem krieg gerahte/sondern das Edict vnd
friede gehalten werde/dann es sonst zu entlichem vnder-
gang seines Königreichs vnnnd gewissen verderben aller
seiner vnderthanen würde gelangen/Vnd als die Königin
im hiergegen den abfal vnnnd die auffrühr deren von
Rochele hette fürgeworffen/hette er / wie er dann schon
abgericht/darauff geantwort / Die von Rochele begeren
ten anderst nichts / dann das sie bey irem alten Priuile-
gien bleiben möchten/ vnd were ihre solch begeren / nicht
vnzünftig/würde jnen auch vmb gemeines friedens vnd
wolfart dieser Land willens/dieser zeit viel billicher zuges-
lassen/dann das man widerumb ein Bürgerlichen vnd
inheimischen Kriegs solte erwecken / So vorsehe er sich
auch genzlich/die vom Adel würden gerne in friede vnd
ruhe leben/wo man jnen das Edict getrewlich hielte/mit
angehengter höchster vnnnd anmütiger bit / sie wolte alle
sachen zu friede vnd einigkeit wenden/2c. Nun sey aber
(sagt er gemelter Herr) der Königin vnd vielen andern
guten Leut höchster wunsch vnd begern/das das Könige-
reich widerumb in dem Stand/darinnen es bey dem Kö-
nig Francisco vnnnd Heinrich / ihres Herrn Schwehers/
vnd Ehegemahls jaren gewesen/gebracht würde / Vnd
hab auch die Königin baldt gemercket/das diese Rede ein
angelegt ding gewesen/auch alsbaldt die Anstifter ders-
selbigen erkundiget/welche kleinen danck dauon getras-
gen / vnnnd sey sie aber nur dester begirlicher/den König
vnd jedermenniglichen zuuerstehen zugeben / das dis ihr
sichiges fürhaben/allein dahin gerichtet sey / darmit der
König aus dieser dienstbarkeit komme/ seinen rechten ge-
walt erlange/vnnnd das Königreich von dieser vergiffen
seuch vnd vnzifer/die es seidher gar eingenomen/gereinis-
get vnd erlediget werde/Welche wo es in dieser zeit nicht
geholfen / nicht baldt die gelegenheit widerumb / dieser
B vorstes

vorstehenden gefahr/zuentsliehen finden/ Vnd also nime
mermehr zu seiner alten Würden vnd herrligkeiten kom
men möchte. Vnd dis ist in Summa/ so viel nu
ehgedachter Herr E. G. zuberichten/angezeigt hat/dar
mit dieselbig auch andern/denen es zuuortrawen/vnd die
dieser sachen vehig sindt/solchs mitteilen möge/ Ich kan
auch hieneben E. G. nicht bergen/das ich heut morgens
den Herrn von Gzaune angetrossen/der sich an E. G.
vnderthenigst fleis befehlen thut/ Was sich nu
die zeit/die ich alhie werde vorharren/weiter zutregt/vnd
schreibens werdt ist/wil ich E. G. Befehlich nach/
derselben jederzeit vormelden/ Mich in vns
derthenigkeit hiemit beuehle/ Das
tum Madril ben Paris den 9.
Augusti / Anno
1568.







AB: 154369


ULB Halle
002 491 087


3



TA → OL







Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19 20

B.I.G.

Farbkarte #13

Blue Cyan Green Yellow Red Magenta White 3/Color Black

cf L
ergeworf-
aus zuersehen/
acticken die Papis
gangen / wider die
idere so sich der
eligion in
ges



S.

6